




PL
2610
c4b
1754
v.2



賴古堂尺牘新鈔三選結隣集卷之二

周在梁園客

豫儀 周在浚雪客 鈔

周在延龍客

李世熊

元仲福建寧化人釋名寒知
寒支初集

與林守一

暮春抵秋。嗣音邈然。風塵梗阻。槩可知矣。七月內接

手書。云兄欲薦某自代。某爲慙歎累日。故人厚幸。欲

令朽枿敗株蒸芝呈瑞者。則不如使醜石乖崖被蘚。

自蔽矣。某

一亭如掌。滌帶溪流。春夏漲潦。筦鑰遂付。

魚鰲所愛。兩株樹一莖草。晨省鬱然。乃慶昨來無恙。殘書數冊。結束如將遠行者。後客踵來。前客負而趨矣。意緒窘淺。竈下兒度之。以爲鄙拙也。故人知我是亦不可以已乎。李固之戒黃瓊。張楷之望樊英。此猶平世之常談。某不爲此引嫌也。黃石師四詩。曾倚和之乎。烽火載道。絮炙皆累。欲走梁山。一慟無從也。惟臨風號咷而已。

答周櫟園先生書

相其用筆以規模佛
乘家言而
爲之者坡
公小品中
多此種然
蘇則竟用
佛乘體元
仲則仍文
人之筆也

近來主張
宗門者力
掃語言文
字是自家
推出一重
障礙山也

不肖往爲俗儒。今爲俗僧。如失道逋兒。驟入異鄉。循
籬傍壁。不識安身。何所設此鄉。無指導歸宿者。此兒
立填溝壑矣。然此逋兒。或有天幸。倏有長老。習其鄉
言。審其父母師友。悉其故業。呼而慰之。遂於異鄉措
置安穩。得自成家。終亦不懷故土。此兒於鄉老。何機
何緣。實亦不可思議。今者道師之於不肖。蓋由俗儒
而識俗僧。如就異鄉而安措。本鄉人也。顧帖括之業。
已腐而不靈。詩賦之壇。復志焉不逮。然而鄉人述之。
先正引之。卽道師亦道之。如實有文行焉者。事卽不

文殊曰此方真教體清淨在音聞語言文字亦何負於宗旨哉但恐諸方運糞入不能運糞出耳以文字三昧回嚮般若須是世間好男字始得

虞何遂至此。乃知漚花影內一切聲聞色相悉是幻妄。構成類如此矣。惟道師以再來人。偶見文士身爲說法。所至惠風開暢。令諸人士胸洞目明。意芽抽變。此與雨花點石機神。何二何一。近世老宿。乃謂文字結習。非關正覺。竊不謂然。使諸祖僅以不立文字立教。引人入黑漆漆地。宗風之微久矣。惟有二楞維摩圓覺華嚴諸大部。淵藻華妙。包絡俊秀。敏異之徒。故雖以韓原道於前。歐正本於後。終不能使宗風抑而不振者。此文字維持宗教之力也。今之總持文字者。

非道師其誰屬乎。人天瞻注伏惟珍重。所委壽言。闕
毫累月。草鼓松風。蛙吟龍德。韻致豈能相屬乎。勉強
應命。亦自彝好云耳。工拙不復論也。別示廣搜文字。
喪亂以來。水火盜賊。四經殘毀。及飯空王益。不存憶。
下問付之永歎而已。要之不肖非所以程賢。亦何敢
妄有衡論也。臨楮瞻溯。

答黎媿曾

尋常酬答
中有此妙
筆妙墨真
異樣奇珍

粵寇蹈籍歸鄉。去草廬僅三四十里。八月初旬。某已
辭墓入山矣。去年此日。亦扶攜二耄。踰險偷生。烽烟

樹欲靜而
風不停僕
本恨人心
驚不已

逼戶入視菽水無恙雖造次間猶灑然也今日耄父
子影於前疚兒被縗於後號則父傷然則衷裂同一
亂離而今昔慘苦復如霄壤能不悲乎拜賜函儀乃
在九月十七後此三日則不孝生辰也徂秋值此山
廩不克老母猶市酒一尊剝雞子一枚瓜子一盒呼
賜不孝曰維兒良辰式食庶幾祝兒百事團圓宜子
宜孫如斯二事也慈言縈腑美踰千駟何時忍忘今
乃剪楮藝篆進遠朋之錫望空而泣莫悲夫悲夫貪
此食息何爲乎先母墓離寒廬五里許日常展視自

避冠來。曠省越月。蓬蒿鬱長。狐兔縱橫。造物既奪人。
所生卽尋常。掃塋猶多方。阨阻古之狎。擾豹狼。叛涕。
松隴卽極酸楚。可不謂天幸乎。灑涕之餘。畧展新集。
浮香隱秀。欒棘爲舒。吾汀自鄭仲賢後。風雅暗啞。七
八百年。謝披啓振。今當以屬足下矣。來書云。未有名
字。正恐盛名累人。他日欲蓋不得耳。三都自足千載。
謬謂玄晏引重之。玄晏之言。具在。闇薄不振。以弁三。
都。不亦惡乎。況於不孝。五內崩摧。心毫不續。啁噍之
響。更無常聲。以此冠玉。譬薤蒿而倡。絲絃絳苴而導。

文錦也。觀者得無訝不祥哉。重承雅命。俟收召魂魄。當試爲之。未敢刻期以報也。遇羽附謝。祈鑒離憂。

答雷震夷

三年濶袂。萬事崩裂。每接良友。貽言如聞雲中之瑟。雖破五十絃。猶畏其栗烈也。風氣淒苦。楮毫泫涕。若或使之矣。別來寒縮如蠅。乞爲白鰓之牛。亢鼻之豚。猶慮不免。兄乃狎虎豢狼。搖丸弄矢。哲愚度越如霄。與淵能相及乎。悲哉。時見誤用其才。遂櫻楚毒。自史冊以來。所未見也。賢不料虎巧乃執狙。今古所同。庶

矣。承委以列傳之文。生平爲叙事之言。蹇澁不暢。向
曾爲鄉人題石。未載其延師訓子一事。竟怒索還。潤
筆者因笑。追馬模班。同於買菜求益。自此詛誓不爲
傳誌。亦適得藏其陋拙耳。然紀敘如兄韻言。時見可
以死矣。何庸懦筆晦其昂藏。使威靈叱睡乎。教來某
正苦瘡。旋有殤兒之變。繼又婦病濱危。苦海漂人。生
趣蕭索。如時見者。今乃娛嘯雲間。俯視吾徒惡業。不
啻彼蒙難時耳。輓詩妄踵來韻。獨不敢爲諛死之詞。
亦欲造進鬼德。使幽心開悟。不與鷲猛程能是某之

迂愚也

曾異撰

弗人福建侯官籍晉江人
紡授堂集

與卓珂月

三歲取士。名爲收。天下豪雋。當事者舍經義而外。弗
閱。再三試闈牘。偶有通達慷慨之士。不以爲觸犯忌
諱。而不敢收。則謂是淹滯老生。反不如疎淺寡學者
庶幾爲髻秀。當時之彥。夫人士皇皇祿養。不幸處今
日。而應制之策論之表之判。且不可爲。况嚶嚶然而
詩歌而古文辭。此與博奕好飲不顧父母之養者不

珂月與弗
人並時真
可頡頏

幾爲臧穀之亡羊乎。雖然古鬱鬱不得意之流。且有不得已而至於飲醇酒近婦人者矣。足下之失意。未至如古人之甚。然在人士中。則亦不可謂之得意者也。足下之爲詩歌爲古文辭。無乃醇酒婦人之類乎。哉。夫明明不朽之業。使人士不敢爲而相戒爲博奕好飲之類者。時爲之也。且使人士不得已而爲之而怡然自喻於醇酒婦人之類者。亦時爲之也。且夫飲醇酒近婦人者。在今日富貴利達之士大夫以爲是得志而不可不爲之樂事。此夫事之極猥庸而不足。

道者也。然出於千古之英雄，則借以行其痛哭憂畏，而消洩其無可如何之感憤。愚嘗謂酒色鄙事，今古人亦不相及。若此，然則醇酒婦人，倒行而借用之，則亦窮愁而著書之類也。故夫離騷天問者，屈子之醇酒婦人也；說難孤憤五蠹者，吃公子之醇酒婦人也；史記者，司馬子長之醇酒婦人也。雖然，之二者有異焉。夫沉冥酒色與夫立言著書，固皆不得意而窮愁者之所爲。然而飲醇御女者，此古人極苦之心，不出此極樂之事，則蹙蹙無所之者也。苦而苦者也，著書

卽虞卿當
口未必如
是而立論
不可不如

與

立言者此古人極苦之心而行以極樂之事翱翔而
出無所不之者也苦而樂者也夫窮愁著書此其說
始於捐相位之虞卿乎吾謂虞卿之窮愁不係於相
位之捐與不捐也使虞卿不得行其意而鬱鬱於卿
相之尊則其窮愁也更甚於是舍而去之据古撫今
縱心獨往放愁埋憂此如羈人怨婦幽閉一室忽而
脂車秣馬涉水登山極目所之而幽憂去矣嗟夫若
虞卿之類者窮則窮矣而其立言著書者乃其不窮
於窮而行樂於牢愁之鄉者也故夫屈子之書怨極

矣。不極怨。則不極樂。吃腐之書。憤極矣。不極憤。則不極樂。使此數子者。而不爲離騷。不爲說難。不爲史記。則其窮而無所之。當更有甚於求死不得者。又安得不出於飲醇酒。近婦人者之所爲哉。夫飲醇御女。此古人極苦之踪。而今人倒用之。以行樂著書立言者。此古人極苦而極樂之事。今人泥窮愁著書之說。而但見古人之苦。然則今人。事事爲古人所欺。足下以爲然否。

與情一一
寫出便成
至文

善在究竟
與後師不
遠

性不能諂曲於文章之道。未嘗以一筆媚人。末世子
弟狎於佞師。稍一引繩。則慍然見色。雖信心直遂。或
能得之於其父兄。而不能得之於其子弟。既不能善
事其子弟。而又不可過求於其父兄。使之盡舍其子
弟。而信我。至於曲徇。則不能直行。則不可欲去。而彼
未嘗有顯然之過。則又不情。而又舍此。則無以爲養。
是以載色載笑。而中實鬱鬱。凡此皆加疾益疾之道。
是用每中夜而思。偶一省視。鬚眉業已皤然矣。

與林守一

獨創之言
從前未發

聞足下再游吳越。夫古今才士而好游者。莫如司馬
子長。吾觀其自叙歷覽之奇。未聞求一友訪一士。吾
謂子長而與一人交。必不能成史記。無論餘子不足
交。即使更有一子長而與之交。亦必不能成史記。夫
其獨往獨來於千百世之上。使有一人焉在其日
中。皆足以礙人之氣。而撓其著作之權。柳子厚不知
此意。惻惻然詆退之。之不作史也。使退之而作史。無
論人非鬼責。吾謂非而責之者。必自相友善之子厚。
始而其他之大得意。則大罵者。又勿論矣。足下往矣。

雖不以交游。且以游。獲交。雖欲不交。一人終不可得也。慎之哉。

謝潘昭度師爲母立傳書

異撰

於本月初三日清晨。蒙吾師特差馬上急足。垂

賜母氏節孝傳文。

異撰

謹對使四拜開函。母張氏亦

歛衽頓顙謝。

異撰

始跪而讀之。母子相視淚涔涔下。

至謂母氏得徼祖母垂沒之一顧。母可以報地下母

涕下不自止。已復破涕開顏。以爲肺腑中真至之語。

蓋自前者直指公報命請旌。母未嘗稍爲色喜。似謂

其事近名。誠有如吾師論贊中所云者。垂賜鴻文。乃使小子藉以色養如此。夫世之乞言以榮其親者。難之矣。或身當有道君子而不文其人。文矣。又或品瑣言輕。不足以信於後。自司馬遷。班固。帝后王姬。而外未嘗傳婦人。劉向爲列女傳。范曄踵之。後漢書始有婦女列傳。然而蔡琰流落失節。亦附傳中。愚謂作史者。卽不忍沒琰之文。而慧附記中。卽傳亦無不可。何至使與班昭。曹娥同列。范曄作逆。雖義例分明。猶爲彤管之羞。矧其混恩如此。所謂傳之非其人。則言輕。

數折而下
一語竟住
章法之奇
從左國諸
家得來

而不信也。繼此諸史猥濫，獨重諸文人傳誌。唐史
大家蘇旣，不長於叙事，傳狀誌銘獨退之。永叔爲多
宗元叙段太尉逸事，其刻畫生動，無論永叔諸誌，幾
欲追子長而掩退之。然而梓人橐駝諸傳，皆感事寓
言，傳誌行狀不少槩見。豈其人旣失身，恐其言之不
信於後，故求之者少耶？此異撰所爲，當吾世則汲汲
然求吾師之一言爲重也。

與張友有

唐以詩取士，或曰詩莫盛於唐也。僕謂唐之能爲詩

說得大聲
小怪真黑
釋奇文字

者有之矣。而其可與言詩者。三百年間。吾少見其人。
夫唐以詩取士者也。唐以詩取士。而謫仙少陵。顧不
在科目之中。然則唐之開科。以詩特爲禁錮。李杜二
人而設也。吾不知其所言者何詩。而所取者何士也。
使一代應舉諸生。而盡李杜其人。則三百年間。號爲
主司文運者。安所得入彀之士。而取之不反謂當代
無詩。而令三百年人士。以李杜文章爲戒乎。吾讀唐
人詩。其佳者。大抵撫事感物諸什。而其應制鎖院之
文。欲求一語之不令人嘔噦。竟不可得。則非唐無詩。

而以詩取士。故無詩也。自唐迄今。或又謂宋益卑。舉
至今日而大振。豈非以宋猶兼聲律制科。而今日之
爲詩。脫然無科舉之累乎。然而今詩之能爲累者。又
有之矣。其一爲詞壇之詩。閒民無所得食。而建鼓樹
幟。投贈於王公大人之門。以自鬻其身。命題分韻。逡
巡囁嚅。趑趄蹙蹙。靡騁鄭重。其言甚於唐人之應制。
而達官顯者之褒彈進退。遂爲彼人肥瘠枯潤之所
關。此其得失。亦與人士之科舉等。其一爲詞林之詩。
雖其人雅負雄博英異之姿。曳足水天。遂有館閣二。

不盡其辭
使人自得
於言外

字橫其胸中而不得出。強項之士。稍不受其羈絆。則
搖手相戒。以爲判體離宗。而教習者亦因而去取於
其間。則其拘而多畏。亦與科舉應制者無異。若夫舍
二者而外。惟其人之能爲。則爲之不能爲。則止。能爲
之矣。惟其意之所欲爲。則爲之不欲爲。則止。此如剡
曲雪舟。乘興而來。興盡而歸。或千里命駕。或到門不
入。任其所之。而行止惟我。斯則今日之詩之所以超
然無累。蓋前代之金注昏。吾世之瓦注明也。足下工
於詩。其以予言爲然歟。否歟。

上下百年
眾文章雄
杰應推此
君

與丘小魯書

近况何似。來書謂在愁病中。此二字是我輩讀書著
書資本。若在快樂猛健中正。不知增多少風流興會。
未必於靜功無損也。新房稿殊少佳者。此輩束之高
閣。既爲得氣之人。置之案頭。又徒糜費吾日子。聞吳
人有戰蟻之戲。界色別類。揚旗分壘。使之列陣而鬪。
觀其勝負。以爲笑樂。讀房書者。正當作如是觀。寓心
目於猥瑣凡濫之物。此亦耐煩之一法耳。

與余賡之論作令

論事之文
不獨難其
質雅更難
其辣

宣城風稱善地。風物文章足以抗衡諸國。又無吳下
佻巧輕靡之習。蓋以其地介於大江南北之間。故其
民醇。聞彼地之士大夫亦頗敬畏其官長。非如他郡
邑之掣肘者多。未可以臥而治也。昔人云十年宰相
不如一日縣令。弟以爲十年昔日之縣令。又不如一
日今日之縣令。以今世時事日非。稍有展布則全活
者。夫也。前有往都下者。經吳楚燕齊之治。云民情吏
况無復可着手處。此語亦不盡然。夫苟以清正爲主。
我能一毫不取。無論不必狗士紳。卽貪戾之上官亦

摹寫備極
醜態然實
有不盡於
此者

不至求多於我。弟見近來縣長吏。每直指使者入境。奔走如頤指之僕隸。承奉等爭妍之婢妾。直指公行臺縣官。倩人排設。直指公燕會。縣官身坐庖厨。蒸鴨蒸鴨。口含人參。獻裳獻裘。手授刀尺。甚而僚友相伺。彼此相給。巧者求過。拙恐不及。予嘗謂使今之爲長吏者。以其奉事上官之精神。將順父母。則雖大舜曾參之孝。亦不過是。要惟身爲奸貪。故不得不垂首仰面於彼。我誠處脂不潤。便可省許多曲意。諸媚伎倆。然恃其清而傲上。凌物則又不可。做清官。自是我輩。

分內事。藉此以意氣加人。似謂一清字而爲官之事。
止此無乃太自菲薄而非吾儕所以自處乎。弟衰病
棄人已作山人行徑。不復想經世事。但願友朋中作
好官。行好事。昔人云。友者我之半身。弟謂我與友一
也。但使吾兄得十分行意。得志澤加便與。弟自家做
官。何異乎。

與陳昌箕

詩者。其人之史也。詩以述游。又其人一時之史也。吾
至其地而交某人爲某詩。遊某山水爲某詩。以某事

詩之不必
爲者多矣

與某人唱和聚集爲某詩。且入其疆而其風土之豐
瘠。人民之苦樂。與其當事者之政治得失。亦具見於
是。又非特一人之史也。然而紀游之詩。至今日而難
言之矣。夫今世之游者。不盡如吳季子之歷聘四國。
必如齊之嬰。鄭之僑。衛之蘧。史而後定交也。然不能
無交遊。則不能無酬接應對。因而有得已而姑爲或
不得已而強爲之詩。夫相見以爲脩驚之費。餽遺以
佐筐篚之實。讌飲以償酒肉之債。於是而不識一丁
者。胸破萬卷矣。持籌鑽核者。揮金如土矣。河麋微燠。

上者可以
養高次者
亦可以遂
懶

結隣集

卷之二

者烏衣王謝矣。其四境之監司守令。雖賊汚狼藉。皆
羊不入廐。粟不入懷矣。雖重賦民流。醉人爲瑞。皆陽
城撫字。桑麻被野矣。雖有勢者。奸如山。不犯。皆強項
之董宣。破柱之元禮矣。雖巧詆擊。斷渭水。盡赤。皆解
網泣罪民。自以爲不冤矣。若是者。皆以詩借交。而於
當事之顯人爲甚。聞足下將遊清漳。足下故善詩。而
好交遊。其地選其人。而與友焉。不然。則寧無友。選其
人。選其事。而爲詩焉。不然。則寧無詩。慎毋得已。而姑
爲不得已。而強爲之也。

陳鍾璵

石丈福建晉江人
密菴初集

答張麟符

僕思學問上須尋性命不易之理。次則究國家有用之業。舍此俱是簡策上生活不足多也。今人塗抹口耳。寫得數語清通。便自爲慧絕。豈有太上之想。或偶出所見。亦是聰明業種。非關太始子瞻所云龍肉也。

與人

老莊纔了得一二分。他只說得灑灑落落。其實到頭總用不着。要知此中有大把握。非徒以灑灑落落爲

也。若涉世上他儘了得十分。

春秋之事如淒風苦雨作春秋之志如景星慶雲。

林之材 伯棟福建晉江人

與櫟園夫子

公欲爲

材

娶婦此甚不宜於

材

也。材

之婦須自天降

與庶可無親戚往來卽天降矣亦必如董孝感之婦。

月織縑三百疋又必如謝端之螺女日日爲材留食

而臨去又留穀儲粟粟常滿始足

材

衣食不然卽梁

伯通陳仲子之配能偕隱者自材視之亦尚蛇足也。

金奎輝

克韞福建長樂人
金碧集

與人

韻趣不衰。達人亦多幽人之致。戴月披星。靈雨春郊。
中不減山林景色。文移讞牘。疑難開發處。可當文字。
風流在。以有心對之。莫放過耳。世間蹉跎人出處。漠。
不關情。雖日置丘壑中。有何意味。

林

嶠

小眉福建莆田人
奚道人初集

與夏彝仲書

嶠不肖。落落姓名。未嘗一挂鄉人之齒。狂不自己。遂

投書於先生之前。山野之人。肆其狂言。不意先生能
少容之。一歲之中。口我不置。卽平昔交遊。亦有相知
未盡。一日得之先生。此豈流俗所稱知己已哉。自念
少長爲文。亦經幾變。譬之字學之家。朝習子敬。暮習
元常。求其屈折點畫。一一肖似得乎。僻左之地。旣無
師授。終年濡首。自苦難周。時從鄭牧仲前請曰。文章
之道。如何得躋古人。於是踞牀引臂。刺刺不休。燈青
火白。紛吾左右。而眉亦自喜。有一言之得矣。然而文
采不彰。聲名未立。誦考槃涉澗諸詩。則又淒然不能

小荷負奇
材以千秋
自命惜年
甚少竟不
得死所而
遺文狼藉
竟無有爲
之收拾者
每念之輒
爲悲愴

終卷矣。丈夫得志，自當日馳數百里，捨馬步行，相其
戰鬪，攻守之地，不然亦須治十數大郡，各盡所懷，以
少効其施設之方。至於薄酒短歌，以自終老，雖云時
命，徒自安於無能之分耳。媚之伏處，自嘆亦既有年。
語曰：後時歌泣，耻累君子。一旦引而進之，毋累先生
知言哉。莆陽距安昌，道不滿二百。秋冬之交，當一趨
見，但恐學問粗疎，無爲受教之地耳。

釋道盛

覺浪和尚福建蒲城人
天界禪師全錄

示室中諸子

吾德只要
與人盡情
翻轉習氣
故設此榜
樣

善學魯男子之閉戶不納者。則能作柳下惠之坐懷
不亂。今人動輒欲學超佛越祖之談。絕不學了生死
性命之行。真是自暴自棄。爲背馳之人。深可哀也。杖
人先教人學。一乞兒行。然後大事可成。彼乞兒六親
無靠。骨肉無情。六根敗缺。藝術不能。無片瓦卓錫之
祖業根基。可賴求食不得。充饑求衣不得。遮體到處
遭人擯斥。此身無所安生。雖極苦不傷。至勞無怨。却
也風寒暑濕。不能侵榮辱得喪。無足感。至於功名富
貴利欲恩愛。既已不來。尋他他亦無可繫戀。惟有絲

覺公開導
人處最透
最醒

命是存。却似個避難英雄。潛機奇傑。又似個寒潭底
道。捨身命學行菩薩行。底漢子。只恐有些子偷心。不
斷。使能撒手。甦來。却是無人。奈得他何也。又何富貴。
能淫。貧賤能移。威武能屈。與夫生死危疑。能變亂其
性命哉。能行如此。巧兒行。則又無事。不可爲。無厄。不
可度。無蘊。不可破。無法。不可行矣。古人示三種行。一
奴僕行。二畜生行。三糞草行。能行奴僕行。則已。皈命
於主人。只唯主人之命。是從故。難捨。能捨。難戒。能戒。
難忍。能忍。難行。能行。難止。能止。難入。能入。至於畜生

我正在行
糞草行

行。又。進。於。無。身。命。之。可。惜。至。於。糞。草。行。又。進。於。無。物。
我。之。可。忘。矣。今。人。有。能。取。法。一。二。於。此。者。乎。卽。知。識。
亦。須。別。具。手。眼。勘。驗。如。地。理。之。穿。海。過。峽。或。起。伏。隱。
微。或。如。草。蛇。灰。線。馬。跡。蛛。絲。必。要。求。其。真。正。氣。脉。不。
可。爲。形。勢。變。亂。而。失。其。真。龍。之。結。作。也。夫。如。是。豈。可。
輕。易。入。此。法。門。哉。諸。子。須。着。精。彩。始。得。

與某居士
庚辰

居士各人本分事。不假借分外一毫也。平日不依名。
利。恩。愛。則。依。文。字。理。解。不。依。文。字。理。解。則。依。玄。妙。知。

見。凡。佛。祖。機。緣。公。案。皆。是。依。通。識。揣。又。安。能。踴。翻。聖。
凡。生。死。窠。臼。顯。發。本。分。機。用。哉。如。近。來。江。北。富。貴。之。
家。流。賊。未。亂。時。則。奇。衣。美。食。華。堂。嬌。妾。金。寶。珍。玩。車。
馬。侍。衛。喜。人。呼。老。爺。相。公。跪。拜。叩。頭。及。賊。將。臨。城。則。
求。穿。奴。婢。衣。作。乞。丐。狀。住。破。屋。用。惡。器。損。其。容。貌。斂。
其。儀。態。痛。恨。人。叫。老。爺。相。公。何。故。怕。賊。識。其。富。貴。美。
好。欲。索。他。珍。寶。傷。他。性。命。也。卽。貧。賤。人。平。日。喜。富。貴。
不。能。得。假。至。此。日。有。以。奇。異。衣。服。換。其。垢。弊。者。亦。必。
叫。喚。馳。走。何。故。恐。殺。害。之。禍。及。身。也。殊。不。知。賊。亂。時。

說得冰冷

結勝集

卷之二

之富貴珍寶。祇能招賊兵。害我四大幻身。太平時之富貴珍寶。最能招貪欲。害人萬劫。慧命世界之荒亂。尚有靜平之日。而自心之貪欲荒亂。一念陷其心性。則隨業輪轉。千生萬劫。墮落異類。慘殺之苦。無處可逃。自非逃於佛祖域中。聞解脫法。參超悟禪。又孰能免一切生死業惑哉。

與某公

世間法牢籠麤。出世法牢籠細。如籠好鳥。用竹絲籠瓦礫。食固不解脫。更用金絲籠玉礫。食亦不解脫。竹

援公黠鼠
賦意亦如
此

絲籠人輕賤他易破壞不甚牢。金絲籠人珍重他難
破壞更堅牢。主人不肯打開籠。自又不能撞破籠。嘗
有一戲論最痛快。昔有一八哥能人言。在籠中不能
出。忽聞人傳西來老達磨。善救人迷情。一日達磨經
過。八哥叫曰。西來意。西來意。你教我箇出籠計。達磨
奇之。卽曰。你要出籠計。除是你脚逼直。眼緊閉。鳥大
悟。少頃主人來呼八哥。八哥已僵死籠中矣。主人大
駭。急開籠取置掌上。對人悲嘆。欲埋葬之。因地一聲
奮然飛去。青霄之上。叫曰。西來意。西來意。謝你教我。

出籠計。若非忍死吞聲。這一場安得我絕後重甦。輒
飛去。公等天資奇拔。如好鳥毛羽音聲。令人可愛。所
以不求入人牢籠。而人干謀百計。必欲捉入牢籠也。
使諸公以愚魯自晦。收神入心。如死猫頭。自無人著
價。何知希之可貴哉。

與某公

癸酉

梅惠連寄書竹關曰。世界爲紅爐。逃在那裏去。不如香烟上。盡而救濟之。將來畢竟如何底止。勿以機鋒見示。幸明。

善談禪者
如演小說
則善作小
說者亦是
談禪

自一提醒之予亦好笑乃以手作樣曰太初之時如一錠大圓寶相似梅公疾點首曰開口便就妙了予曰這一錠銀十成足色及斬碎來用却塊塊是精底或人見其太好乃過一道爐火攪一分銅是九成也九成銀尚可用再過第二手又攪一分銅是八成了及第三第四乃至第七第八手到如今只見得是精銅無銀子氣矣梅公曰然則如何處之予曰如此則天厭之人亦厭之必須一併付與大爐火烹煉一番使那銅鉛鐵錫都銷盡了然後還他十成本色也

欲免造物
毒手須受
和尚鉗錘

梅公曰。如此則造物須下毒手。予曰。不下毒手則造物者不仁。亦無功。而天地之心皆亡矣。梅公與李宰諸公相顧曰。噫。不知我輩還有能跳出此造化之爐錘否。

與某

以介曰。聚
石點頭待
月取影何
如呼起古
人讓。我批
斷。
原評云。余
讀史幾十

古今文章之士。似與道德性命無甚關係。然而往往有爲乾坤吐氣。若無此一筆。便不能使千古英雄一段精光。永永流傳於天地間。此誠所爲不朽盛事。非虛語也。如太史公文章第一。不必論。論其傳項羽一

年來未有
拈解及此

者可以使

項將軍下

拜龍門生

叩首九原

也

覺公數牘

惟此首不

屬禪宗然

禪宗正復

在此

段昔人謂高帝大風歌與霸王垓下歌各自寫出帝
王興衰氣象蓋謂其語足並也余獨謂垓下是何等
時虞姬死而子弟散匹馬逃亡身迷大澤此際亦何
暇更作歌詞卽有作亦誰聞之而誰記之歟吾謂此
數語者無論事之有無應是太史公筆補造化代爲
傳神首二句轟轟烈烈感憤千狀是造物之逼殺英
雄直使風雲失色而天地無光後二句怨極悲極到
此處饒他蓋世好漢至於無可奈何只有一悲憤以
作結局耳此與下文天之亡我非戰之罪也一語正

相映帶。然後將英雄喪身失命時一段氣槩譜出。全神而文章之事亦可以不朽於天地之間矣。

與紀伯紫居士

甲子

杖人嘗與梅長公云。真有骨性人。被世界磨成。真無骨性人。被世界磨滅。如此世界。在吾子亦可謂備嘗其風味矣。可能謂有骨性人。被世界磨成者乎。果遮世界能磨滅其人乎。速須猛自提起。勿一差二悞。尋救手不着也。如作巫師人。要去捉鬼。先要有藏身法。使鬼捉我不得。則可自古未有不立身於不可勝之

地而能勝人且不爲人所勝者也立不可勝之地是
何地乎早不尋此安身立命不爲生死所侵處終無
以自勝也况我期子有向上事在可不破釜焚舟以
自圖之

陳

衍

磐生福建侯官人子涓濬潤泳俱有文名
大江草堂集

答徐存永

文章書畫於才法雙擅而後有光燄既有光燄又欲
其老且拙焉方可傳夫老且拙者非黷然狹齷齪
之謂也第就光燄中磨洗一番去其剩字嫩句而已

此衍點綴是編之意也。昔人云。後世誰相知。定吾文者。今吾兩人。日日促膝。便得一吐衷曲。不少迴避。作者忘其工。觀者忘其陋。相知在形跡之外矣。

答方道衡

聞欲注春秋繁露。此書氣魄不似西漢。六朝人好僞書。或其一也。然注疏極難。如仁兄之絕學。則可。不然豈能措手。蓋海內民俗風土。皆當覈實。不但經史綜博而已。王荊公注團風。以八月剝棗爲剝其皮。後過鍾山。見民家以杖撲棗。始悟其非。洪慶善注九歌。以

撲棗用剝
字極古雅
剝落也

櫛鍾爲簫鍾。後有蜀客以廣韻示之。始知櫛擊也。與上句絙瑟正相對。蓋緣原文字錯而謬承之也。朱子注伯牛有疾。發許多腐論。亦身未至山東。不知北地人家炕床。皆置牖下者。伯牛所居未必寬。嚴牖下臥疾。夫子卽自牖與訣。時當遑遽。情勢必至耳。若如朱子所見。覺聖人舉動費無限周折。豈非隱怪之流。亞乎此四方風氣。皆所當知。而本文亥豕尤當讐較。若夫李善精詳。不無遺脫。師古警厲。乃有重複。故注書大非易事也。至於郭象注莊。劉孝標注世說。酈道元

注水經。皆另出機軸。妙絕今古。或倣其意可乎。承開
誠下問。篤至感人。謹陳所見。不敢隱藏。伏惟鑒亮。悚
息。悚息。

李陳玉

石守謙菴江西吉水人
退思堂文集

與友

士。君。子。亭。亭。矯。矯。要。爲。人。所。畏。無。爲。人。所。鄙。夫。鄙。何
來。持。身。之。苟。居。心。不。淨。也。遇。魯。仲。連。李。太。白。使。人。不
敢。言。名。利。事。當。思。其。不。敢。言。者。何。也。

示子弟

提管控絃不過貞烈之門囊金韞玉不入弊齊之室
世間污穢之事猶來耳邊者必我之質地未淨故使
人猶得而意之也臨深履薄可無惕然

與門人

初入仕便宜作罷想勿大奢願萬一蹉跌濃郁薰心
如何耐得冷淡身者心之餘官者身之餘可進可退
可大可小可卷可舒可榮可寂將焉往而不得哉

復朱爾兼

我輩生性喜著書著書又苦無殺青之資所以日就

散佚使天下後世快心人恨不一見亦缺事也僕弱冠時曾有數種書思得一當時之士爲之行遠而開口告者百無一人積漸數年原書俱亡矣筆談墨藝頗無虛日不自愛惜隨手飄落化爲酒家餽甚多頃見尊刻觸我舊時之痛極思以此身作當時妄想中人爲台兄一了此債

與人

君子舉事無爲人所激孔明適吳知孫仲謀可以言詞動也故詭其對而仲謀歛案矣若夫公瑾則不然

公瑾通幹一語已逆折其氣幹留連宴飲終無所言心折公瑾矣稱瑜雅量高致公瑾不爲幹動幹反爲公瑾動也

蔣幹往說無從開口還謂瑜雅量高致非言詞可動夫曰雅量曰高致必非言說可知魏刺客與先主語見孔明踰廁而走此豈有聲響之接哉真氣相逼姦形自漏子瞻乃備載公瑾蘇張諸語以爲蔣幹折服在此也蓋亦謬矣夫惟言詞難動然後不爲人激不爲人激然後幹事貞固故雅量高致不過沉著堅定而已

與孫武遷

相文之法。雲漢忽熱。北風忽涼。儻然而接。見其鬚眉。

結隣集

卷之二

三

賴古堂

冠服焉。十行之外。見其寢處。知其嗜好焉。是故能刺我。瞳者。其人魁杰。能移我情者。其人俊遠。能約我視聽者。其人賢聖。物之相遭。在乎無意。而意動。褻賓之出。爨下之響。我之忽熱。忽涼。是其人之天相遇也。余嘗以此相邦國之士。遲速不同。十射而九中焉。夫天下之大。天下之士之衆。法亦應無踰此者矣。

與人

范文正以天下爲已任。一邑之事。有時尚不能任。安問天下哉。客曰。范文正亦只作秀才時如此。此言雖

謹令人猛省

與陳敬輿

代而晚。今士鮮淳訥。浮夸自炫。譏刺爲能。尊已而卑人。黨同以伐異。是故言名士。屠沽市販也。言社探丸擊毬也。言詩言文。長竿遠牘也。言派頭。言門戶。渡江之道。人選夫之女子也。甚而恣肆刻核。一切妄作。野史邑乘。雜記條考。種種無忌。口舌示雄。尚不識尊親字。其爲處子也。譁制諸姑。他日爲婦也。必賤惡於諸奴矣。若夫淳訥者。不然。其道反躬。其神內斂。視天下

之事之難。不敢妄說也。仰視屋漏。自譏者多也。行無一寸。喙長三尺。所必耻也。胸未忘利欲。而高舉仁義。所不敢也。內行多缺。而言性命。言氣節。能言之。鸚鵡登場之。罟國也。一畝之宮不治。談經道濟。數他珍賣。僞方也。故取士於今日。必以獨行無時譽者。貴以墨墨。無口匏者。真而其人。之文之品。亦大略可見矣。

示兒

凡人氣象語言。必要與從前絕不相似。乃爲變化氣質。如伯恭之卞急。忽然和緩。周處之強暴。忽然沉摯。

象塾各篇
一通爲子
弟座右銘

讀此則臨
文下筆時
先須自問
是何等人
有功名教
之言

若舊時氣習一毫尚在仍是鷹眼可憎狐尾未斷也
此有四鍊法一遇熟境作厭離想一遇熟人作恭敬
想一遇熟事作莊重想一遇熟知解作劣惡想

與朱吉人

弟嘗謂文章一道惟三種人五臟六竅便於涌流其
一爲孝弟之士天下至文性情而已若夫至性至情
吉祥所集天可老聖可孩鬼神可泣六經之作大抵
皆孝弟之流液也其一爲謙下之士和順積英虛聽
多聞師友所集百川咸歸黃中所以象通理柔嘉所

以咏清風。蓋文爲風性。與爲風鑰。謙者與德之光華。
也。其一爲真。素之士。巧者氣。僞可驚。四筵未可以驚。
獨座奢者氣。淫風雲月露。取之外至而內流者。不出。
陶淵明。韋蘇州。不過一真率耳。然困于古學人。若反。
舌無聲。豈非濃可至。淡不可至乎。是故君子清潔以。
養神。廉靜以治氣。躬修德行以實其言。而昌明其理。
不求爲文。天下之至文生焉。足下於三者備矣。

示兒輩

余弱冠爲諸生。謁鄒南阜師。座客有舉鄉先生別號。

後生小子
不可不戒

者師曰此先達也宜加以先生二字不是教爾迂濶
凡人口頭不謙謹者知其胸中放肆日無前輩其人
一生人品事業無規矩準繩可知時子亦誤舉前任
邑大夫別號師復回頭顧曰此父母也吾等祖父曾
爲其部民縱未必稱循良新學小子加以等輩之稱
文獻之邦詩禮之家豈宜有此余與座客面皆發赤
心服長者忠厚之教今日見有刻書於前輩皆直呼
於彼公祖父母皆直書其名若史例然夫史者天子
之書也故皆書名然春秋於賢大夫尚有書字者有

今人文字
動欲占地
步讀此愧
死

何必傳之業徒爲長厚所譏爲記此以戒爾曹此輕
薄之習願汝曹無相効也

復葉臞仙同年

作吏至今日豈但牛馬弟礪礪之器襪線之材每一
退休一迴痛哭向時作秀才恨不得一官事主今業
已事人之事而懷想羹粥時風味有如隔世望松菊
圖史真天上之樂也

結隣集卷之二終



賴古堂尺牘新鈔三選結隣集卷之三

周在梁園客

豫儀 周在浚雪客 鈔

周在延龍客

徐

芳

仲光拙菴江西南城人
遺稿

答錢牧齋宗伯

辛丑

屢日俗客在寓斗室喧杳欲一肅奏記不得間復承
寵集文席親切得以備聞古學矩要當世大事歸來
愔愔若捧盂水以觀滄海握拳石而指華岳既喜得

見天下高深之至。擴其胸眼。復俛而自廢。嫌其細瑣之已極也。僕少負薄志。壯罹多患。摧悴連蹇。迄歸墮棄。雖有讀書懷古之思。而生長僻隅。數罹兵燹。典籍蕩盡。腹枵氣餒。所竭無當。世鉅公名人。相共揚激。開其黥罔。指之循拘鄙。日復一日。其懷往

切積。獨欲一進于先生者。先生之學。非近代一切文人之學。而僕之所取鏡。當在是也。而先生不加唾棄。曲意引接。嘉言屢錫。稱許過當。此豈以其不足深教。例答之乎。抑僕如是之文。乃遂有當于先生哉。小

善寫細事
筆筆可愛

兒之學步也。始而寸移。繼則爬徙。若前若却。一蹶一起。幸而數武之遠。偶能自致。則其長者且拍手譁笑。撫摩獎惜。探棗栗而競擲之矣。非步之善止。此進止周旋之節。小兒未暇及也。幸能是是亦足矣。其所未至。姑徐之以責其後也。先生今日之所以進僕亦猶是也。僕雖不敏。安敢不益勉焉。以求無愧於他日也。

答竹關禪兄庚子

接手教云。本師浪杖人訃至。必往舉禮。弟竊有感焉。道兄名高天下。而天界道場喧沓。非幽貞秘息之地。

莫謂出世
舉足便無

雖大賢坦履萬無他慮然鴻飛冥冥是我輩今日事
竊以爲袁閔土室不應築於塵市而彼烹芝餌木者
入地肺何必更過咸陽之都也古弟子之於師命曰
心喪時地所隔爲位而哭足矣不必赴方外之禮又
當有脫於俗內者道兄雖曰受具浪師而浪師高足
滿江南高座挂拂半經付授此番計報張皇趨走當
自有人奚必道兄之至而後禮可舉也夫名之所在
忌亦生焉今天下畸人十九歸佛本欲借以逃名而
名之所趨得佛益噪又復有淺妄之輩揚詡之間疵

荆棘正爲
出世舉足
偏多荆棘
也所規極
正

意中便
趣

釁萌伏將來不少私心議擬道兄今日願且爲淵明
勿遽爲遠公也弟且不願道兄之竟爲淵明而遽爲
遠公無乃失潯陽本色耶道兄謂之何

與林孔碩 乙巳

弟
生平百無一長獨堪興一枝遂臻神妙亦如涵齋
之畫其始非以求食而卒食焉是天憫其窮使不遂
至於困絕也涵齋之糊口以手弟以目所謂近取身
尚賴有此也

答劉子淳書 癸卯

在他人有
萬分不能
及處人高
其才華我
獨推其身
分

道兄不罪疎濶教命辱及惓惓惓惓非道兄無從聞
此語然就中委曲亦有難已於一言者如來示所云
寔皆影響不知心之語其最可笑則權子母一事夫
所權子母者非以貧無可治生而藉什一之息以自
給乎此於事誠俗然生之不可不治盡人然矣石可
點乎字可煮乎吸蜂可成飯嘔絲可供織乎而子敬
之困可常指仁祖之食可常乞吉則奉母之粟可盡
索之范仲淹凶則欲舉之喪可盡仰給於故人麥舟
之恤乎若然則必化膚成羽使無寒化腸成筋使無

餒化妻孥。僮婢之屬。爲陳仲之。捐黔婁先生之介。烈却衣食。以死無怨。謫而親戚友朋賓客之至者。以塵飢塗羹飽之。吉凶婚喪。盡出園中之種。壁坪上之種。金應之。而後可。又不然。則去爾妻子。絕爾朋友。廢爾歲時。享祀男女。婚嫁子立。孤往以吹道上之篴。趁木蘭院之齋鐘。或庶幾耳。而不然者。稱貸旣不可常。干澤又非吾事。幸有杖頭之贏。額中之息。與衆權之出之原。非強人收之。亦非踰分。不猶愈於仰面之勞。叩門之屈乎。弟今所苦。正以四壁僅存。無子母之可權。

忽歸大道
興學問人
真經濟人
語但恐安
石之新法
藉爲口實
耳

耳。非。權。子。母。之。傷。潔。清。而。遂。戾。於。道。也。周。禮。一。書。周。
公。運。用。天。理。爛。熟。之。書。而。其。所。列。財。賦。之。掌。十。居。四。
五。大。學。明。德。修。身。而。生。爲。食。用。於。平。天。下。之。道。三。致。
意。焉。太。聖。賢。之。學。切。近。人。情。而。有。濟。於。用。如。此。彼。以。
財。用。瑣。俗。不。宜。言。而。束。手。坐。困。者。此。迂。儒。之。論。所。謂。
遠。於。事。情。者。也。然。弟。實。無。是。也。自。昨。歲。青。匱。方。盡。之。
後。復。有。先。兄。小。女。舍。侄。文。侯。輩。之。變。骨。肉。慘。急。誼。無。
坐。視。前。後。襄。助。動。費。不。貲。生。平。未。遇。真。仙。無。擲。米。成。
金。之。狡。獪。無。張。燕。公。冥。中。之。數。十。鱸。爲。之。鼓。鑄。錢。幣。

何處得阿堵。間物盈溢筐篋。而子之母之責。息苛急之說。胡爲乎來哉。甚矣小人之妄誕。不根好爲謗誹。如此也。權子母治生之常。貧士爲之不足笑。獨怪無其實。而竟濫其名也。

答黃石菴侍御

甲辰

來教諷繹數過。酸風淒雨。颯然而集。不但披示所及。卽諸未及。亦能以意會之。嗟乎。吾輩于今。固天地間一種苦物。如蔬菹果匏。草茶木藥之類。賦質已定。不可如何者也。然以數百年滄桑。僅有之遇。鋒鏑豺虎。

非曲爲之
解實是如
此憂苦中
讀之令人
心氣都平

風霜剝蝕之久。凋殘螻螻。不可數紀。而吾兩人一息
尚存。吾兩人之家。亦尚未至盡罹慘厄。卽此邀天之
庇多矣。其他艱難窮窘。橫逆挫頓。種種之遭。皆分所
當然。無足深詫者也。道傍之李。其得免於寸寸拆摘
者。本以膚骨酸澁。不堪啖嚼之故。若必與上闌朱櫻
驛騎丹荔爭榮競爽。不但乖其故性。而珍玩之下。齒
牙隨之。其禍乃滋甚矣。且我之不能爲彼。猶彼之不
能爲我也。弟所以易悲爲愉。而轉以爲石菴慰也。

答蕭明彝

戊戌

嬰兒落地
便哭想亦
爲胎苦耳

明彝今日拂且亂矣。然彼蒼深心。吾儕夙植。皆於此
徵。明彝亦姑取爲動忍之資可乎。夫動忍之資。何不
可怡然受也。宗不云乎。瓠苦連根。瓜甜徹蒂。吾儕今
日。既不幸而爲瓠矣。以苦胎苦其數。固然雖欲易以
甜。瓜之甜。其可得乎。則謂今日種種之不齊。皆明彝
茹荼之根。滋而蔓之可也。以彼易此。尚當不屑。况甘
如環。安見瓠之不爲瓜也。東郊佳勝。神往已非一日。
但寵召先期。反落色相。倘山中猿鶴。不以俗駕相擯。
松下露葵。當隨便爲明彝飽之耳。

寄王斌爲孝廉

歸公之言
是實話不
是哀語然
實話更哀

往范堯夫麥舟贈友一事。千古稱之以爲不可幾及。
然彼自具故人之喪耳。使非曼卿亦未必然。今弟輩
以傾蓋之身。而得比於曼卿之列。使生免吹簫之困。
歿無委壑之憂。此等高誼。視古人不更有進乎。陶元
亮乞隣得食。便以冥報相期。弟於今日。當何所云。

寄張武仲年兄

戊申

讀手教爲啞啞笑不得止。崑崙層期之國。有大鳥焉。
飛則遮日。能吞食橐駝。海上有虎鷹焉。其身若牛。能

世人便欲
于筋上割
肉

飛捕虎豹。彼其道遇鷺鷥。雖聚數十百輩。尚不足以
克其一咽。肯碎碎焉。嚼其脚間之筋肉乎。鷺鷥幸甚。
而割之者。又廉甚也。然今天下肥皮厚肉之人不少。
而吾輩一二兄弟。受骨偏瘠。武仲之窮。既不能保微
肉於鷺鷥脚上。而弟之拙復欲削餘金於子午針頭。
可笑亦可悼矣。此間旅處六月。山水間無一錢之人。
曾有自嘲詩云。生計世已無。誰能爲死計。青鳥飛入
雪。看來是白的。舉向武仲亦應啞然笑也。

與其上人

大和尚可
以已矣

雲門和尚說法如雲絕不喜人記錄其語見必罵逐
曰汝口不用反記我語他時定販賣我去今號爲大
和尚者紛紛語錄自記自刻若惟恐人不販賣者異
哉

寄沈仲連年丈

遙悉近履安坦吾輩今日卽此是福若環堵蕭索是
本色亦卽分內緣難死之心易露之骨直是生成窮
本領如苦瓠根終不能結甜瓜蒂弟別十八年種種
艱虞困辱淒冷險阻之遇分之十數人尚堪銷魂喪

魄若使彝齊作總裁。范丹梁鴻諸公爲分校。舉放天下窮人榜弟之名。次不落三數下也。

寄張蕙嶸副憲

丙午

方寸灰冷。遂有土室袁閔之志。而塵債煎逼。擔亦未得遽釋。支應疲苦。湯火等困。計無復之。惟子午一針。可以資生。逃俗兼義。在食力人已兩無愧也。已擬新秋發棹。脫籠健翮。大有雲霄萬里之興。南北東西。無向不可。往時名人方伎。寄跡不必精專。如子陵之釣。豈在豐魚。伯休之藥。未必瘳病。其于致趣。挺水點綴。

仲光不仕
高隱以堪
輿自名其
志足哀然
其術則已
臻聖境

而已。若弟于此道好之。既出于性。諸之又微其微。不
類高人之寄跡遊戲。受其直而怠其事者。有士如此。
以充今日之堪輿先生。蓋亦可也。弟與足下不得言
者六歲矣。而舍堪輿外。又無可言之事。滿紙蔓絮。輒
復如此。足下應爲一笑也。

與周櫟園同年一

兩日小有人事往來。賜到字。觸燈下細讀。盡數十紙。
如雨之汗。如雷之蚊。皆爲忘却。昔人讀書。獲一義。如
獲一珍珠。船櫟園錫我何多也。天下大文章。無着奇。

仲光每
一札必以韵

處從來異書多是零碎本子大禹山經周公爾雅荒
唐瑣屑古聖畢收之矣不可謂識小非道多學而識
非學也。弟嘗擬輯一書名曰字廣自說文正韻而外
凡奇詭諧合與于聲音點畫之數者無不收采零標
碎擷大畧皆楊文公衲被之屬而義類稍廣手不給
目得櫟園是書便覺可廢卽不然直作一勝錄生已
坐得六七矣其快且何如小序佛頭之糞驥尾之蠅
一懼一喜兩念方戰未知其孰勝也向屬文選序擬
上枯腸濁腕豈堪叢笑不敢如李夫人覆面到底者

語結之自
是晉人風
致

知櫟園一見卽棄之也

與櫟園論字學

生平資性淺儻不能讀艱深奇奧之書而尤荒于字
學如字母說文諸書每一展卷頭輒涔涔痛不可忍
因遂置之以爲字取成文達義理適于時用而已不
必點畫微細盡合于古楊修得尚書古文書詠刺字
並皆用之當時稱爲怪人夫尚書古文已不能通于
漢魏之世況今日乎如必取數千年前之古文原委
與今文銖銖較議若者合若者繆則周冢玉文八十

近世方爾
止顧寧人
多有此議

字合李斯叔孫通兩人僅識其十其不識者亦已多
矣而顯節陵之科斗書以張茂先之博物竟不能辨
秦周晉漢相去非遠而書法懸異則已如此又安見
文之今者爲今所謂古者果遂古乎世儒屑屑以上
世遺文評議天下之字而責其必合者亦見其不達
也故嘗竊意字學之妙不在正詁而在旁通正詁前
人已詳無庸以碎益碎旁通觸類引伸其蘊甚宏其
用甚大吾輩讀書識字固當于其宏且大者求之年
來字廣一輯意頗在此櫟園已先得之照乘之珍出

予嘗云介甫字說定有可觀惜哉其不傳予雖見于諸書者僅二十四五則耳

矣。草際飛螢亦奚以爲辱下問。愧其無以應也。因又有積疑未剖者。字畫如易離合變化不可與要往往于正詁之中寓旁通之妙。如夢刀得州失禾增秩之類。約其大旨不出象形會意數者之間。推此卽水皮爲波。三牛爲犇。其說亦似未可盡詆謝。石生宣和靖康之季介甫字說盛行于時。其學未必不出于此。惜其書罕見。不得其全本讀之以考其得失也。妄意介甫之謬甚多不在字說。後世之苛求不已者正以當日崇重太過而蘇黃諸君之筆舌風爲天下學士之

監製其說
字字令人
首肯

所傾嚮一經拈剔嘻笑之傳甚于怒罵介甫之徒雖
百十手口固不能與之爭其廢焉宜也若論介甫之
精心博識著作無不工者未必字說一書偏離紕繆
其所以爲說亦固出于六書之中至于支離穿鑿卽
許氏說文亦有不在介甫下者而世奉爲金科玉律
介甫之書世無見其全者徒以一二字之沿襲指摘
句讀小兒語及字說便加排議所謂有幸不幸也
此語從不敢聞以櫟園胸具千古因以其所疑質焉
又不知是書于世尚有傳乎其旁見雜出櫟園博涉

之餘亦別有所得焉否也旅舍喧沓心緒復當潰亂
小序語不成次聊以恭命發笑而已

與櫟園三

出仲光手
即尋常語
亦往往引
人勝地

文選序欲待數日閒靜之力淘汰胸次使脫粟之麤
差堪比于麥飯豆粥之列而時日無多復不能得潦
草供應竟成半米半沙之炊而已不知年翁竟吐之
乎抑將轉付庖人去其沙以進乎載觀古人爲文一
篇止論一事不更以多端雜之故其言各有原委而
開閣變化一論自成一局近世爲文不察其指之所

在。惟。欲。其。多。論。文。則。必。兼。其。政。論。政。則。又。須。其。學。過。
情。之。譽。浮。蔓。之。言。錯。然。並。進。而。惟。恐。或。漏。譬。之。村。作。
召。客。攢。果。集。盒。千。家。一。色。不。待。其。出。而。逆。知。之。故。文。
品。日。卑。而。不。免。爲。識。者。所。臧。反。不。如。夾。雜。之。沙。雖。棘。
齒。而。尚。不。至。于。臭。腐。也。年。翁。生。平。在。人。耳。目。卽。文。章。
一。事。揚。扞。有。不。盡。者。煩。引。肆。及。挂。一。漏。萬。反。恐。真。至。
之。言。等。于。例。套。故。盡。刪。之。年。翁。深。于。古。當。不。病。其。略。
也。何。如。

寄答壽昌卓公

今人秋興
必不敢作
七首九首
亦大可嗤

大詩日臻高潔、楚歌十首、尤蕭然遐寄、但愚以爲首
尾二首、似在可闕、以其首尾太分明也、且足之卽十
止于十而闕之卽一首中各具千百首、則奚必十而
十之乎、古人之詩、有如是起如是止、而人卒不能尋
其所從首尾者、此真能起止者也、謬意如此、幸勿狂
而笑之。

答西昌秦令公

甲午

古名臣之以循吏顯者、莫盛兩漢、史冊所記、若于曼
倩、朱仲卿、何君公、卓子康、此數公者、皆以守宰致位、

公卿然當其時聲稱之所以烜赫於人流及後世者。不以公卿之故。而以守宰則是守宰之所獲不遜公卿也。而黃次公爲丞相。或以爲功名反損于治郡。夫郡守之不敢與丞相齒也。亦明矣。寃極其重在此。不在彼。今門下處東海桐鄉之地。而力行曼倩仲卿數公之事。則是數公之名與實。門下恣取之也。斯其所得較世之寵利碌碌者。果孰多乎。而他時雖位致卿相。一如數公。人之稱之。未有不首于今日之西昌者也。夫道在我者也。利害禍福在天者也。古來端人正

信哉有命
君子落得
爲君子小
人在了爲
小人

士孤行一意。危言勁節。冒人主之忌。犯當塗之怒。卒
能以功名老。無纖介之累者。時時有之。而彼嗟。嗟。諧
世者。乃或失焉。天下事。豈盡知計所能及哉。漢武之
世。誅責數及寵倖。而汲長孺之抗。憊乃更見重。以社
稷。臣稱繇是言之。利害禍福。信在天而非人可必也。

陳弘緒

士業江西新建人
石莊初集

鴻猶集

遺稿

與曾堯臣

堯臣足下。僕

與堯臣交二十年矣。南浮閩海。北涉漁

陽。上谷。齊魯。鄭衛之墟。東過錢唐。歷會稽。足迹幾半

野文字

天下求其慷慨俠烈如吾堯臣者指實不容數屈不獨其人難邁已也文之高古靈秀義味無窮而變化莫測使讀者如對左國檀考馬遷韓蘇諸書則三百年來吾猶未敢以六七計也而況於一時哉僕然後知曩之期待於斯世者過厚而人與文如堯臣洵矣其未易卒逢也嗟乎如堯臣而尚困於諸生主司不以目迷方叔爲慚同輩不以黜落劉蕢爲耻而知堯臣之深如僕輩又復屈抑蓬蒿不能効孔文舉之論盛孝章山巨源之薦阮仲容而坐使之窮愁於螺江

龍洲之間天之生堯臣者何心而阨之者何意操堯臣之予奪者可以慄然而悔矣

與張天生

若細論之
無論批抹
卽一點亦
有難下處

宋文鑑尚批閱未竟不欲草草成之誠以古人之批閱皆能與其書並傳宋之謝疊山婁迂齋近時之唐荆川茅鹿門皆以著書之精神而爲批閱其批閱亦卽其著書之一種也若其草草塞責漫加之以點抹議論則是古人之精神反因我之點抹議論而湮沒矣夫點抹議論本以顯古人之精神而其弊至於反

使古人之精神湮沒則不如去其點抹議論之爲愈
此弟所以遲之而不敢輕耳茲因小价繇金陵至閬
門附此轉寄不盡縷懷嗣當再悉

復濟仲

濟仲尊兄足下仁兄之端方俠烈弟目中真不多見
也睽離以來弟夙疴大作邪火宿於三焦從臄會臄
躍而上貫於顱頤如焚如灼如烟之迫於癰缶如沸
湯之陡潑醫者投以黃芪甘草其勢益甚復以涼瀉
諸劑進之亦徒奪人粟穀罔有少効今且五十餘日

談之尚令
人朵頤

矣。坐是杜絕酬應。避匿厭原山中。庶幾需之歲月。冀
可霍然也。承示勾章海錯。弟聞之饒涎。委地卽擬扁
舟東來。飽噉大嚼。以果生平茹葢食。茶之腹復爲賤
恙所苦。言之但有朵頤。雖然。弟且有海錯於此。嘗試
展仁兄佳文讀之。其雄偉也。則巨鱣之鼓鬣爲山飛。
沫成雨。其悍勁也。則蝘蟬之鉗咬鬪虎鬣。帆之乘風。
衝濤。其綺麗也。則丁班之陸離魴鮓之五色。其奇快
也。則江珧柱之雲腴。露膏螭房之脂凝。霧結其鮮秀
也。則車蛤之美。舌白。鮓之雪形。弟朝而饗夕而飧。未

嘗或離去之仁兄有以悅弟之心更勝進珍異於
俎之間祇以悅弟之口也且夫蜃市鰲峰龍宮貝闕
變化千萬蕩心駭目者仁兄之文靡不俱備又何必
舍此而別求東海之大觀也哉弟把佳文以當臥遊
焉足矣

答梅惠連

捧讀翰示反復淋漓何其文之奇妙而竊折也仁兄
借神仙之說以論文章之遇而弟請卽以神仙之事
復於仁兄世之所謂仙者亦論其得仙與不得仙耳

從一端推
出無限層
曲黍米中
具許大世
界絕世奇
文

絳陽集
卷之三
至其昇天與否可勿論也。果其得仙也。昇于天而躡
雲御風可也。卽不昇于天而巖棲谷處亦可也。何者
彼其爲仙者。固自在也。其所以爲仙者。何也。仙之道
在于得丹。而丹之得在於得其所以成丹之法。日魄
月華。玄珠白膏。與夫五金四黃八石之類。皆丹也。然
是數者之類。非卽丹也。烹之煉之。融之合之。而後九
轉七返之神物見焉。苟其不能烹之煉之。融之合之。
則雖有是數者之具。而丹亦決不能以成。然其不能
烹煉融合也。而其爲丹之具。則固未嘗不同也。世之

筆如車輪
轉又復輓
欲仙

爲丹者異於是。徒習聞乎日魄月華、玄珠白膏與夫
五金四黃八石之爲丹也。而實不知其爲何物。僞採
之而僞造之。而亦以號於人曰：是其九轉七返之神
物也。嗚呼！其得丹耶？其不得丹耶？其有不自殺殺人
者否耶？設使其人別有倣詭幻妄之術，足以排空虛
而凌閭闔，昇天則有之矣。其以語於成仙也可乎哉？
夫劉安之雞犬，其所舐啄之藥器，此真丹也，非僞也。
是故不獨劉安仙，而雞犬亦仙。其雞犬卽不昇天而
已成，其爲雞犬之仙，至如左吳王眷傳生之徒，亦嘗

附安而昇天矣。然而安之所謂藥器固未嘗得而舐之而啄之也。雖復昇天何益。今海內羣而効仁兄之文者。果其烹煉融合而得仁兄之所爲丹法乎。抑徒舐啄於仁兄之藥器而爲仁兄之雞犬乎。抑又僞採之而僞造之乎。無亦僞採之而僞造之者之多也。彼以其倣詭幻妄之術幸而富貴。亦如左吳王眷傅生之徒幸而昇天。究至沉淪銷滅。與草木同腐。其不足以語於仁兄之雞犬明矣。而又何羨於其昇天乎。嗚呼。守聖賢之統。明先王之道。上之增華天地。次之輝

映古今。此仁兄真丹已成之候也。排空虛而凌閭闔。直聽之而已。而豈仁兄之所急也哉。

與友

法生於氣
固無一定
之法漢人
之文若無
法而氣脉
隱隱相逼
此深于法
者

古之善爲文者。內有已足乎。已不得已。而後其言隨之。故其文有餘於氣。而無萎蕪不振之憂。氣有寬賒。急促而法生於其間。班孟堅。蘇明允。曾子固之徒。法主于寬賒。一篇之中。往復詳贍。而人不以爲冗。左丘明。公羊穀梁之徒。法主于急促。峻潔自守。絕去支詞。而人不以爲滯。其他如司馬子長。韓昌黎。出入于二。

者之間而並臻其與。是數君者。雖其所得之法。各有
差殊。而其氣之淳。涵蘊崇。汨汨然探之。而靡窮用之。
而莫殫。則自有文。人。以。至。于。今。未。之。或。異。也。舍氣而
徒求之於法。其短才者。既有叔敖衣冠之誚。而無才
者。或不免於刻鵠畫虎之譏。然古人之規矩尺度。未
嘗不存於其間也。今之爲文者。吾惑焉。內無所得于
已。而外欲有所飾以欺於人。雜取經史子傳之語。排
比櫛次。竊割以附於篇章之內。及循首尾而觀之。或
前後畔越而不自知。或顛趾倒置而冥然罔覺。蓋併

古人之規矩尺度去之以至於盡而其於實益無幾。之際求其氣之克乎其中而溢乎其貌動乎其端而應乎其終如昔人所云者豈可得哉。夫今之爲此者乃不古之咎而非過于學古之咎也。而世之小儒曲學反指爲足下及江右之流弊不亦過歟。今足下之文與江右之文具在足下所云原委次第瞭然可循非虛語也。而小儒曲士不察而槩譏之。因李斯而罪及于蘭陵。緣宰我而併憎乎洙泗。吠影無端彈射四及。此則弟之所不解者。嗟乎盛衰相激理勢宜然易

俗回風。是在足下大力挽之而已。

與劉懷峰先生

仙者適性之名耳。凡自適其性而不役於塵俗鞅掌者。皆可以仙名之。而適性之樂。惟隱逸者得之爲深。夫其仰而登於高。而挹攬之無盡也。俯而瞰於深。而溯洄遡遊之靡窮也。烟雲之與浮沉。麋鹿之與出入。較之軒冕組佩。逐逐塵俗鞅掌者。其爲樂也。蓋不可同日而語矣。則其以許由巢父介子推陸通之流。而日之爲仙宜也。然是數人者。其於隱逸之事。皆生而

細思嘆老
嗟卑其失
也倍

好之彼其視軒冕組佩惟恐不脫去爲快故能自適
其性爲獨深至於負大用之具不幸而不見錄於時
不得已而後托之隱逸其於軒冕組佩固未嘗一日
而忘也雖其托之隱逸而無聊不平殆甚是故憂憾
憤懣怨恨思慕之心戰於中而是非毀譽炎涼升墜
之態怵於外彼其仰而登於高也峰巒若爲之增其
僚慄俯而瞰於深也波濤若爲之助其勃怒衝涌烟
雲有愴悅之色麋鹿盡蕭索之羣是其一所謂山水者
皆其焚和滑真之具也又何適性之云乎然則隱逸

者雖可名之以仙。隱逸而無聊不平者。其去神仙之道遠矣。惟其負大用之具。不幸而不見錄於時。而又能消釋其無聊不平之感。以自適其性者。斯真隱而仙者也。先生殆其人乎。

與友

僕生平無他嗜欲。聲色裘馬。間涉焉而未嘗好。彝鼎玩器。法書名畫。好之而未嘗溺也。好而溺。溺而不復返。惟圖史爲然。雖其所藏。未能如魯壁汲冢。羽陵陶穴。顧世所稱說。瓌文秘冊。笥篋中所不可少者。亦稍

稍備之矣。家世清貧。無從得重貲。購墳典。家大人早
歲頗留心焉。爲曹郎時。所入俸。悉以付之書。賈前至
萬卷。有奇。萬曆丙午。弗戒于祝融。數十年來訪求于
南北者。一夕之頃。化爲灰燼。家大人進孺子教。之曰。
汝知之乎。夫物忌多嗜。欲忌無厭。書者物之清妙。而
嗜欲之靜遠者也。多而無厭。造化且弗使爲吾有。况
其他乎。僕不肖悚然于家大人之言。念凡物之爲我
有。皆非我有之物矣。顧耽僻成性。弗克自治。數年來
頗違家大人之戒。好而溺溺。而不復返之。故其所聚

全體八大
家出筆即
提

歛蓋又多至三萬卷有奇矣。雖然吾安知今所有三
萬有奇更數年後不又如向者一夕之頃歸之祝融
乎。卽幸而不歸之祝融安知吾子若孫不棄之鼠蠹
昇之豪家大族乎。卽幸而吾子若孫不棄之鼠蠹不
昇之豪家大族安知更一世二世數世不淪于烏有
也。隋嘉則之三十七萬卷焉而亡。唐乾元之七萬餘
卷焉而亡。宋弘文之二十萬卷焉而亡。彼以人君之
尊威殿閣之崇邃守之曾不能一瞬。況以僕之瑣瑣
三萬有奇乎。其好而溺溺而不復返以違家大人之

戒真惑之甚者也。然僕之所藏者，僅以自娛耳。他非所知也。

蕭士瑋

伯玉三義江西泰和人
春浮園集

復錢閣下

完刻藏本不肖，雖有其心，每念出世，希有功德，必副托於藥願再來之人。浮屠合尖，不能不望之於兩足尊矣。先經而後律論，較正必屬名宿。一一謹遵台命，容臺一園悉皆道力莊嚴。半山平遠，非所敢望。夫生天宮者，以得聞鼓音，卽爲福緣。况身兜率內院而敢

伯玉尺牘
習有味外
之味韻外
之韻

以狹劣自棄乎。某有惟力是視。以不負尊委耳。

與楊寨雲

兄高臥於無伴塢。弟浮沉於南容臺。軌迹有行藏之異。通識無隱顯之殊。遠志小草。各局所安。均未能得之濠上也。經云。利刀割泥。泥無所成。刀日就損。苟能按指發光。則無處非游刃之地矣。我自調心亦止可與兄道也。

與田中丞

道上逢小汪。青衫欲濕。宛似白公。聽琵琶。潯陽江頭。

諸語韻語
存沒緊要
人只索如
是

買妾但須
看完矣便
自勝人

時也。問其所之。將入吉而投田中。丞我謂如此。可以不窮矣。昔人買駿骨千金。不惜況此子久擅燕臺之譽乎。每念郭令公。寇萊公。乃足辦賊其手段。原自不同。故欲以小汪相試耳。

與錢牧齋

梅公往北。某雖留滯於南。南中風景大異往昔情懷。益蕭索。妄意買一妾。少資陶寫。然倉卒難于得人。不免苟且塞責。空有其累。寧復得佳味耶。乃知苟之一法。除居室外。都用不着耳。聞翁近得佳人。故是才子。

蓋緣宿世精進。乃能獲此秀媚。以是益自咎前生脩行之不得力也。兩奉手教。殷殷篤摯。庚桑思見老子。日夜無間。但盛暑遠涉。重趼難進。不能無待於清秋耳。近事難道。不足道。不如不道也。

又

咄咄怪事。

瑋

爲眠食不安者月餘。世議迫隘。蛇蝎一

器聚發。狂鬧正人。君子必不見。螫子瞻諸公。累見於

前事矣。然困阨之中。無所不有。天佑正人。窮而愈明。

諦觀往局。亦未有不獲護持而安全之者。所云如國。

韻絕

手。茶。不。煩。大。段。用。意。終。局。便。須。贏。也。然。國。手。亦。已。苦。矣。顧。翁。當。此。際。亦。惟。有。弘。以。達。觀。付。以。宿。因。庶。無。往。而。不。平。耳。瑋一。官。無。所。事。事。而。能。使。此。身。不。得。自。由。坐。圖。扁。舟。一。往。見。翁。而。不。得。季。弟。家。來。候。欲。與。言。者。可。與。之。言。也。

與蔣盤初

區區雞肋職卑務簡頗與才稱昔人云偶寄一微官。婆娑數株樹此則披榛出門排草入室在人不堪其。愛。弟。差。不。改。其。樂。耳。想。仁。祖。欲。知。弟。近。况。寄。此。以。發。

以好筆祈
請行好事
豈不可傳

一笑。

與詹月如

弟
非盛寒不出。實病甚不能出也。紙窗夜雪。因念號
寒之衆。不減啼飢。而此中冷舖慘於寒獄。昔人云。此
時卽佛出世也。救不得。惟公等可以救得也。其嚴出
一示。力禁五城。自此日起。至二月初旬止。不許各舖
銅一平民。卽於所空福堂。隨就地面。暫移煑獨無告
宛轉。就死於水窟雪窖者。以實之。則此出彼入。俱可
少緩。須臾之死。此不過費諸老數點墨。遂立起枯齒。

而肉之矣。偶得一善，卽思入告。皆體好生無已之心也。

與錢仲馭

弟事事認真。骨體不媚。真勢力假聲氣。全不爲動。一肚不合時宜。必不爲世所容。獨兄愛此。古董摩挲之。不置。所謂一人知己。死不恨矣。

與友人

知杜門窮經。不敢相擾。絕利一源。用師百倍。弟且從壁上賀戰勝於鉅鹿也。

復卓去病

相別凡幾易裘葛矣。心衰貌改。已非故吾。老冉冉其
將至。懼脩名之不立。如翁五經紛綸。幾奪大春之席。
叔孫穆子。所稱不朽。翁已身有之矣。然至精之器。非
羣粗所接。弟雖非夔曠。聞絃賞音。粗知雅曲。諸書決
不可不令。弟盡讀之也。南銓如退院僧。日煨折脚鑪。
爨糙米飯耳。酒資三金奉致。此懶而殘之所餘也。知
已可無以官物見餉爲憂耳。

結隣集卷之三終

